

RAMAKRISHNA MISSION SECONDARY SCHOOL : LAITDIENGSAI

Dist: East Khasi Hills: Meghalaya



RKM SECONDARY SCHOOL, LAITDIENGSAI

I nongprat lynti bad I nongseng ia ka skul Ramakrishna Mission Laitdiengsai I dei i (Late) Shri Dressing Mawkhiew ha u snem 1964.

Ha kawei ka sngi la don ka jingialeit (excursion) Jong ka shong na Laitdiengsai sha Sohra. Kumta ha kata ka sngi ki la ia leit jngoh Kai ia ka RKM Sohra bad la don iwei I Maharaj I ba la pynpaw ia ka dur ba sbun Jong I, I da pyllait por khnang ban ia kren bad I katto katne por. I (L) Shri Dressing Mawkhiew I la iathuh khana ia la ki jingduna ha Kane ka shong Laitdiengsai bad ki shong ba marjan Jong ka , ba ym ju don ki ba nang ban pule bad thoh ha kata ka por. Kumta I Maharaj I la plie ia ki kyntien kordor ban ong ha I khe leit sha shong bad plie noh da ka skul. Ka Mission ka ju iarap ia kiba kum kita. Haba kine ki kyntien kordor Jong I Maharaj ki la iai kyrsoi ha I (L) Shri Dressing Mawkhiew I la lum ia ka jingialang ryngkat ki rangbah na kane ka

shong. Da kawei ka jingmut ki la sdang ia kane ka skul ha iwei I iing trep Jong I (L) Meirit Kharumnuid. Nangta i (L) Shri Dressing Mawkhiew I la ai noh shi lyngkhot ia ka khyndew ban tei ia kane ka skul kumba ka long haduh mynta. Ha kata ka por, ban ioh khynnah pule kam dei kaba suk namar ba ki kmie ki kpa Kim pat sngewthuh ia ka jingkordor Jong ka pule puthi. I (L) Shri Dressing Mawkhiew ryngkat bad katto katne ki riwringbah ki la pynlut ia ka por ban leit ia kynduh ia ki briew kiba don marjan bad kane ka shnong ban pynsngewthuh ia ki shaphang ka jingdonkam Jong ka pule puthi bad jingnang jingstad. Kumta la don katto katne ki ba wan ban pule ha kane ka skul .Ka skul ka la nangkiew shaphrang katba nang mih ki sngi. Khyndiat nga kwah ban pynpaw ia uwei u khynnah skul u ba pule klas ii ha kata ka por ,U ba don ka jingieit ba kham phylla ia kane ka skul. I ta I dei i Shri Rojensonroy Kharumnuid, I ba la long ruh u Sub Engineer ba la shongthait Jong ka P.W.D (Govt. of Meghalaya). Naduh ba I la rangbah I la long kum u Secretary Jong ka skul RKM Laitdiengsai tad haduh ba ka rukom synshar Jong ka RKM hi baroh kawei ka la kylla.

La sdang ia kane ka skul da ka L.P bad M.E section kata naduh klas A(nursery) haduh klas VI. Dei ha u snem 2003 la plie ia ka Secondary section bad ha u snem 2006 , la don ar ngut ki khynnah kynthei kiba ia leh nyngkong eh ia ka eksamin Matrik na kane ka skul bad ki la pass baroh ar ngut. Ha ka 9 tarik u Naiwieng 2024, I Maharaj Secretary kata i Swami Anuragananda I la ai jingbit ban plie noh ia ka klas XI (Arts). Kane ka la long kawei ka jingkyrkhu kaba khraw ia ka skul bad ia kane ka thain hi baroh kawei

Ha kaba iadei bad ka jingtrei Kam ha ka skul, I (L) Shri Dressing Mawkhiew I la long kum u Head Teacher ba nyngkong eh I ba la khmih ia ka jingbha jingmiat Jong kane ka skul tad haduh ka sngi ba I la shongthait noh na ka kam ha ka 31tarik Nohprah 2009. Hadien ba I la shongthait la aiti ban khmih ia ka bha ka miat Jong ka skul hi baroh kawei ha I pyrsa Jong I, i Smt Sirinda Mawkhiew, i ba long ruh i Head Teacher Jong ka RKM L.P School Laitdiengsai haduh kine ki sngi ba mynta. Ia ka U.P bad Secondary section la don katto katne ngut ki Head Master bad Head Mistress, kita ki long:

1. (L) Shri Hormo Kharumnuid
2. (L) Shri Phromsing Kurkalang
3. Shri Jidren Nonglyer
4. Shri Raju Kumar Swer
5. Shri Ajoy Kumar Swer
6. (L) Smt J.Shailynti Diengkseh
7. Smt Rinolin Kharumnuid

Haduh kine ki sngi ba mynta i Smt Rinolin Kharumnuid, I dang long i Head Mistress Jong kane ka skul bad ki nonghikai haduh mynta ki don khathynniew ngut ki kynthei bad ar ngut ki shynrang, ar ngut ki driver, iwei I helper bad laispah sawphew ngut ki khynnah skul.

Ka jingdon Jong ka skul RKM ha shnong Laitdiengsai, ka la long shisha kum ka sharak kaba la pynieng ha u dieng pynieng sharak ha kaba baroh sawdong Jong ka ki iohi ia ka jingshai bad kim lah khlem da pyrto ia ka jingshai ba don ha ka.

**"IM SLEM RAMAKRISHNA MISSION SCHOOL,
LAITDIENGSAI !"**